

觀殊材舉逸群尚揮霍以出沒則有白貂飛駁窮奇驅獠牙若錯劍
鬣如叢竿口吞艾鋌目極檣櫓障限弧彈王弩射猛虎透奔虎
金鏃一發旁疊四五雖鑿齒磨牙而致伉誰謂南山白額之足覩
摠八校搜四隅馳專諸走都盧趨喬林撇絕壁抄獬狔攬豹_狌囚
鼪鼯於峻崖頓縶驪於穹石養由發箭奇肱飛車巧括更贏妙
兼捕且墜鷗鴟於青雲落鴻鴈於紫虛梢鷓鴣漂鷓鴣殫地廬
空神居斬飛鵬於日域摧大鳳於天墟龍伯釣其靈黿任公獲其
巨魚窮造化之譎詭何神怪之有餘所以噴血涑川飛毛灑雪乍
若其高天雨獸上墜於大荒又似乎積禽爲山下崩於林穴陽烏沮
色於旭日陰兔喪精於明月思騰裝上獵於太清所恨穹昊之路絕
而忽也其不海晏天空萬方來同雖秦皇與漢武兮復何足以爭
雄而君王茫然改容愀若有失居安思危防險誠逸斯馳騁以狂發
非至理之弘術且夫君以端拱爲尊玄妙爲寶暴殄天物是謂不
道乃命去三面之網示六合之仁已殺者待其犯命未傷者全其天
眞雖剪毛而不獻豈割鮮以涖輪解鳳皇與鸞鵠兮旋騶虞與